

Der lieben Martha zum 70. Geburtstag

Wie ungerecht ischt-es auf der Welt,
daß Frauearbeit it vill zellt,
suscht dät e Frau, die 70 worde
überhääft werde mit Orde. -

Mei Martha tät etzt eine Sieben,
als Zehnerzahl vor Ihren Geburtstag schieben.
Gar mancher sagt: Des gibt's doch it,
die Martha, die ist doch so fit
und für Ihr Alter, voll im Saft,
mein Gott, was hot des Fraule gschafft
und hot doch, daß ichs it vergess
hot nit nu gschafft, war stets im Streß!
Die kaa unmöglich 70 sei,
des goht jo in mei Hirn it nei - -
- Mit Charly hot se z'erscht en Maa
der halbkrank, nix gscheids esse kaa,
dänn hot se glei, uu früh am Morge,
2 Geschäfte ghatt, die zu vesorge.
Wer d'Arbet kennt, dem ischts gewärtig,
am Obend ischt me z'meischt noit fertig.
Wer d' Martha kennt, dem leichteds ei,
die Geschäft hond müesse sauber sei.
und des ischt it übertriebe
s Ufräume ischt-re moischtens bliebe
Trotz aller Arbet, unbenomme,
sind noch im Lauf drei Kinder kumme
und des trotz ganz beengtem Wohne.

Die Martha konnt sich do it schone,
zumal die Oma , die das Stadtbild zierte
am Anfang ganz fescht mitregierte

Erst, als gewechselt wurd beim wohne,
do konnte sich die "Junge" schone

Der Opa hot domols ja in alle Tage
gege die Oma nichts zu sage !

Als dänn des Fischgschäft aufgegebe,
hot d' Martha dennoch e hartes Lebe

Se konnt sich it oft verluschiere
dänn, obends hießes : s'ischt z'dekoriere!

Au do schtellt d' Martha "ihren Mann",
denn des hot se recht gern getan!

Wenn oim au jede Arbet freit,

so braucht doch alles seine Zeit -

de Haushalt därfscht au it vegesse,

doch Freid machts koche, Fraid machts s Esse

Um zwölfe rum, siehscht moischt no nix

doch d' Martha war dänn immer fix,

und zauberte e Esse her,

als ob s e Bagatelle wär.

E Mädle aussem Badnerland

leischted au do halt allerhand,

und selbscht, wenn au mol Gäscht eifalle - -

groicht hot des Esse immer alle !

Au Obends ischt se noit zu züggle,

Ihr "Freizeit" füllt se aus mit Büggle,

und sommers, se kaas kaum erwaarte

"Erholung" suecht se do im Gaarte

*So ischt mei Weib, ganz ohne Orde
ischt se uu alle globt heit worde
I kaa se dorum it gnueg lobe
mir alle sind guet aufgehobe
und i dags drum mit einem Satz :
Wer so e Weib hot, hot en Schatz !*